


成案質疑



錢法

倉庫

鑄錢稽延

鼓鑄冊報遲延

與販制錢

查泰辦銅遲延


未完銅筋并核減銀兩准補官日賠補

打造銅器

私造銅器

武林洪弘緒臯山甫
繡谷饒瀚敦夫甫

同輯



收糧違限

蘇屬接徵舊欠未完革職留任

叅後全完未詳開復

叅後全完

官員復任後征完

帶征錢糧未完先經議處後雖奉 上諭免征不准開復

錢糧全完開復者新選有人原官赴部另補

部選有人開復原官赴部另補

協餉叅後全完

全完開復官補原缺

督催錢糧部議降調未離任之先完解准開復

三載全完卽陞

錢糧三載全完離任卽陞

錢糧三載全完遇蠲免之年有漕項錢糧者亦准卽陞

錢糧三載全完尚有雜項未完不准議叙

漕項未完牽混報完

南米未完照地丁錢糧例議處

捏稱民欠巡撫朦隱

錢糧完少知府失報

情徵錢糧

催征無術照罷軟例處分

催科無術不詳叅

奏銷冊違限不及一月免議

奏銷冊結逾限未及一月議處

奏銷造冊遲延

奏銷冊結遲延

造冊逾限兩月

更造冊籍遲延

解送小科銀兩遲延

部撥不請寬限

多收稅糧斛面

多加火耗不揭報

重耗折徵敲擾民婦

攤派錢糧未經徵收

不揭科派處分

官員私派藩臬揭報復職

蠲糧出示私征

徵收稅契銀兩加收重耗

隱匿費用稅糧課物

隱匿招兵銀兩

攬納稅糧

干預捐納

生身包抗寺租經縣獲禁令人刷黑鬘門

批廻迭驗遲延

虛出通關硃鈔

年終盤查出結

知府交盤遲延叅守道

前任未完銀兩已經督撫保題承追官應免扣限叅追

交盤虧缺折收財物

違例折征

違例折征

徵糧私收折色

折征南米多收耗銀

折收錢銅短價

經承私收漕米

報完不准向民追取

捏報全完擬罪

錢糧捏報起解

雜職交盤

附餘錢糧私下補數

庫有盈餘銀兩

冒銷老婦銀兩

私借錢糧

官糧私借與人

官錢糧轉借與人照例擬斬

倉穀私借窮民

倉糧借給民人泰後全完民人免議本官照監守盜擬罪

私橐借人抵還庫項

將正項錢糧解補自己降俸

擅動錢糧還債追債主

私借錢糧准徒不准折贖

發換官錢衙役借用比照常人盜

俸工不解

倉穀清完還職另補

賠銀免罪復職

那移出納

那移錢糧

因公那用

那移銀兩太多不准減等

以錢納銀

知縣查出隱糧按田催征支應公用

徵錢易銀并那買漕米及遭風沉沒俱不作侵那

代民墊解兵糈

那移社穀抵完民欠

以平糶米那抵匠米

虧空銀米

虧空上司賠補

虧空上司免賠

藩庫那移虧空叅後全完免議

是侵是那院司各執一議

是侵是那情節未確引例不符

那移銀兩未完不便遽請減等

那移銀兩照甘肅例限年賠完

代賠故父虧空勒限三年

解任幫父完餉

代賠親伯虧空限十年

賍銀不便着落堂姪追比

侵盜庫銀子孫不准捐官

錢糧擅貯私宅照侵欺擬罪旬日交完撥免

征多解少查報遲延

賣穀具題

蠲免錢糧未奉 上諭之前已徵在庫不准扣抵

冒支官糧

虛名冒糧

徇情食糧

冒支軍餉

冒支軍餉

短發兵餉餘銀入已

侵欺馬價

錢糧互相覺察

本官侵欺庫吏不舉

前官那解錢糧後官見有民欠可抵徇隱不揭

前官虧空後官及知府擔承不揭分賠

虧空倉穀借貸掩飾歷年盤查上司免議

不揭虧空反勒新任出結處分

司庫虧空接署不詳

虧空錯參准開復

失察衙役侵收錢糧

侵扣錢糧百姓代完免罪

倉庫不覺被盜

錢糧存私宅被盜

盜劫錢糧分賠未完

出納官物有違

監放月餉印結遲延

監放營餉推諉

監放不報扣剋

督撫造冊不明

司道造冊不明

朦混造冊道員等轉報

府州縣造冊不明

欠解兵米并武職印結舛錯

無俸可降

無級可降扣俸

應扣任罰降俸支給着擅動官追還

休致官降罰俸銀免追

武職降革留任准支養廉各糧

臬司衙門飯銀請在藩庫耗羨內動支

損壞倉庫財物

丁憂准捐納

捐穀轉報遲延

捐穀出結遲延

米石出易原非貯庫虧空免叅

易穀不遵部文

借米無花名細冊領狀

借給穀石加息一斗

倉糧泡爛

泡爛倉粟全完復職

霉蛀倉糧

採買不堪米石

倉糧變價無完

平糶米穀未買還

買米還倉遲延

虧空米穀俟秋成動帑買補

轉解官物

推諉運米

解部銀兩遲延

解官短少銀兩雖全完仍不准開復

捏解兵米

違例解折色

解木逾限

採辦稽遲

採買糧草遲延

顏料短少知府賠足

歸旂未完承追官不准開復

採辦不堪

米色不堪

督運不回原任

總漕糧道以漕糧抵通分完欠議敘分賠

過淮違限

玩漕革職

過淮違限處分後交納全完即准開復

漕糧全完抵通逾限仍不准議敘

糧船凍阻催趲不力

漕船內河失風照黃河例免賠

糧船內河失風免賠

洪澤湖漂沒糧船照大江黃河例豁免

漕船撞壞已屆滿料允其配造

月糧米石不給

隱瞞入官家產

入官房屋承估不力

入官地畝增估遲延

隱瞞入官人口

囑人頂替應點起解及家主知情不首 另有新例減出

隱匿生女覓人頂替

隱匿不首不得援引全完免罪

私鑄首犯非自置家產免其入官

私鑄案內人犯留養免罪仍追家產

成案質疑

武林洪引緒臯山甫
同輯
繡谷饒 瀚敦夫甫

倉庫

錢法

鑄錢稽延

康熙二十九年十月吏部議覆錢法堂徐 疏寶泉局鼓鑄錢文監
督等到任已經五月有餘應鑄錢十卯合筭前後共得錢五卯其所
缺五卯之錢並未補鑄解部等因查定例官員制錢已經頒發尙未
鑄造及季報遲延者罰俸一年等語應將監督戶部員外郎額 主
事沈 照例各罰俸一年

鼓鑄冊報遲延

康熙三十年四月吏部議福撫卞 疏臺灣于康熙二十八年十月
內鼓鑄起計今一載並無鑄過本息搭放兵餉數目冊報以致無從
稽核等因應將違限一月以上臺灣廈門道王 照例罰俸六個月
奉

旨依議

興販制錢

康熙四十五年十月刑部題覆興販大制錢一案都察院審明董青
係賣酒之人並非開錢舖之人將買酒的銀子換了四百八十串錢
若非販賣豈有不帶銀回去又將銀換錢之理揆此董青買大制錢
販賣是真應將董青責四十板枷號兩個月康三將董青販賣大錢
藏在店內不行出首應將康三責四十板其四百八十串大制錢照
例入官奉

旨依議

查叅辦銅遲延

雍正十一年十月戶部議覆安撫徐 疏稱原任寧國府知府黃叔
琪承辦雍正十一年上運銅斤定限本年八月起解迄今例限已逾
未據完解所有辦銅遲延之原任寧國府知府黃叔琪相應指叅等
因前來查安慶應辦雍正十一年上運銅觔例應本年四月起解如
有遲悞卽應查叅從前該撫並未題請寬限今疏稱以定限本年八
月起解係照何例扣限之處並未聲明再雍正九年四月本部奏覆
陞任蘇撫尹 條奏辦銅案內議將江浙二省上運銅觔俱展四個
月之限下運寬限兩個月其安徽等六省每年銅觔亦無遲悞仍照
定例起解毋庸展限奏准在案又本年九月經陞任巡撫程 以安
徽復辦雍正九年銅斤事屬創始趕副例限事勢寔難題請將九年
上運銅斤展至下運起解下運銅斤展至十年上運起解至承辦十

年銅斤懇照江浙之例一體展限等因本部議准奉

旨依議遵行是原題案內僅將九十兩年銅斤題請展限並未將十年以後所辦銅斤一槩請寬明係藉端延緩除將原任寧國府知府黃叔琪遭

旨交與吏部議處外前項未完銅斤應令該撫作速照數嚴催辦解其承辦遲延之處仍按原限本年四月起解之期扣明補參奉

旨黃叔琪着議處具奏該部知道

未完銅筋并核減銀兩准補官日賠補

乾隆二年十二月大學士張 等奏據原任浙江處州府知府曹掄彬呈請竊掄彬於任內承辦雍正壬子年下運銅筋二十七萬八千斤零經浙督委員解部掄彬卽於是年二月回籍守制不意銅斤到部秤少銅九千一百四斤零又銅色核減銀五百十八兩零例應賠補但掄彬原籍貴州黃平州遭逆苗焚劫房屋衣資灰燼無存實係赤貧無可變賠若俟原籍追變必致完帑無期懇請據實奏聞容掄彬補官之日按限完解庶

國帑有着等情具呈到部臣等查候補候選各員任內有追賠掛欠銀兩未完者例不准其銓補遵行在案今候補知府曹掄彬原任處州府任內有追補銅斤銀兩經丁憂離任其原籍貴州黃平州地方已遭逆苗焚劫無可着追情殊可憫今服滿赴補因前欠未完例不銓

補該員共秤少銅斤九千一百四斤零約計追賠銀一千三百二十五兩零又銀五百十八兩零係核減銅色與虧空正項錢糧者有間且向例各官任內有掛欠銅斤銀兩未完者原准其在任按限賠補無庸解任追賠相應據情奏聞可否將曹掄彬秤少銅斤核減銀兩俟補官得缺之日帶於新任追賠抑或仍照舊例俟該員追賠完結之日再行銓補之處恭候

欽定奉

旨曹掄彬准其帶於新任賠補

打造銅器

雍正十年十月刑部議覆江南民金兆卿與潘友生合夥在崇文門內租李姓房屋將紅銅一觔合倭鉛六兩化成黃銅打烟袋貨賣華大尹五從前開舖亦常買兆卿黃銅打烟袋貨賣查定例打造銅器店舖如有仍將黃銅製造器皿者照銷燬制錢爲從例治罪又燬化制錢爲從者枷號一個月杖一百流三千里應將金兆卿照例在伊開作坊處枷號一個月剗發順天府僉妻流三千里至配所杖一百折責四十板華大尹五從前雖未鎔化黃銅但明知黃銅係嚴禁之物乃向兆卿私買摻和雜銅打造烟袋亦屬不法應將華大尹五枷號兩個月責四十板遞回原籍嚴行管束不許出境房主李三照不知情例杖九十潘友生獲日照例完結奉

旨知道了

錢法

倉庫

五

錢法

私造銅器

雍正十三年二月漢軍統領鄂 奏稱先經臣以訪聞直隸遵化州
豐潤縣等處以及山東濟南府一帶地方有奸民私造黃銅器皿射
利犯科者于上年十二月內奏 聞一面密咨直隸總督李 河東
總督王 一面委員差役前赴遵化州豐潤縣等處會同直督委員
拏獲私造黃銅器皿之玉清祿等二十九名并搜獲黃銅器皿一千
餘斤復於山東濟南府長山縣地方拏獲私造黃銅器皿之伍乾生
等九名并黃銅器具二千四百斤俱已交付各該地方官解赴該督
查審外復據差往之弁役等稟稱身等前赴濟南長山縣緝拏私造
銅器人犯詎長山縣知縣臧根泰推諉却願並不寔心協緝及至身
等將該犯并黃銅器具拏獲而該員等猶以似非黃銅器具等情舍
糊支飾不肯出具收管印結後經千總吳應銓等與該員逐一檢驗

盡屬黃銅無可掩飾始行收管等語據此則該員始而貌法縱奸及至事發更復支吾掩飾希圖卸責應請行令河東總督王 分別審擬復據該弁役等將彼時搜獲剪邊制錢呈驗且稱彼處各地方無不將此公然行使等語臣逐一驗看其制錢週圍俱已剪去僅留中間字跡據此則東省所屬地面既以制錢剪邊公然行使其剪去錢邊卽作廢銅肆行銷燬更無疑義應請勅下河東總督王 按律從重究處謹奏奉

旨制錢乃民間日用必需之物錢價昂貴大不便於民生是以禁止黃銅器皿以爲便民利用之計並非朕另有用銅之處而有此舉也數年以來朕焦心勞思幾經籌畫幾經誥誡切望督撫有司等竭力奉行以收寔效豈料山東長山縣奸民公然私造黃銅器皿而知縣臧根泰旣慢無覺察於平時及至朕諭步軍統領衙門差弁役拏獲之後仍敢支吾掩飾似此藐法欺公之員甚屬可惡臧根泰着革職拿交總督衙門嚴審定擬具奏總督王士俊巡撫岳濬身任地方所司何事而昏憤踈忽至此着交部嚴察議奏餘照鄂善所奏

收糧違限

蘇屬接徵舊欠未完革職留任

康熙四十五年十一月戶部議總漕桑格等疏稱蘇松常鎮四府前任江寧巡撫宋學會題部覆州縣官員到任未經兩年卽罹降革應將州縣官員本任經征每年地丁漕項錢糧如于奏銷時完至九分以上者其接征未完舊欠錢糧于限內復叅降級調用之例改爲降級留任奏

旨依議欽遵在案今崑山縣丁憂知縣程大復業將本任經征四十二兩年地丁漕項錢糧皆完至九分以上其接征舊欠三十八年分漕項仍欠四分以上部議革職原非自貽怠緩所致且例內接征舊欠未完應降調者改爲降級留任應議革者所當一例仰遵從寬改議以廣

皇仁等因查先經九卿詹事科道會議以蘇州等四府所屬地方舊欠錢糧降級調用官員改爲降級留任再限一年催征並未以革職官員改爲革職留任之處應將該督等所請之處無庸議奉旨程大復着照該督等所題革職留任

叅後全完未詳開復

康熙二十九年吏部議江督傅臘塔疏蘇松等府屬積欠提標各營兵米于康熙二十二年將承道各官題叅部覆各降俸二級帶罪督催在案查崇明上海二縣已完米石與原叅數目相符應將二縣原叅之案查銷其未詳開復遲延各官交與吏部議等因應將未詳開復署蘇州府事本府同知孫如龍布政司宋榮均照例罰俸一年該督未將巡撫職名聲明應咨該督查明具題到日再議奉旨依議

參後全完

康熙四十四年二月戶部議安撫劉光美疏稱部覆將經征宿於縣唐完聖照例革職今該縣未完米折銀兩俱于參後未經離任之先征完所有原參部議革職之案應請查銷等因查定例凡拖欠錢糧革職官員未經離任之先如能將拖欠錢糧全完者准其開復等語今宿松縣知縣將未完麥米折銀于參後未經離任之先照數全完應將宿松縣知縣唐宗聖所革之職准其復還奉

旨依議

官員復任後征完

康熙三十五年六月戶部議徐州知州孔毓珣未完二分以復參之案江督范承勳疏稱孔毓珣經前任總漕王樑題參審既無罪經臣題留特

旨復任該州復任後即將未完銀兩全數通完其間雖有署官之隔原與本案處分離任者不同且僅止十個月經征業已全完又與限滿不完參後續完者有間等因前來查定例內凡拖欠錢糧離任後全完不准開復等語孔毓珣先于另案內題參離任審既無罪復任後未完銀兩即行全完並非掛欠錢糧原參處分離任且孔毓珣係奉特旨留任之員應准其開復奉

旨依議

帝征錢糧未完先經議處後雖奉 上諭免征不准開復

康熙五十七年六月戶部議覆湖督滿丕以沔陽州未完五十五年
分帶征四十九年地丁銀兩將知州盧 先降三級調用在案准咨
欽奉

上諭概免征收在案仰請開復等因具題前來查前項未完錢糧係該牧
離任之後奉

皇恩蠲免與例不符無容議奉
旨依議

錢糧全完開復者新選有人原官赴部另補

康熙四十八年九月吏部會議得東撫蔣陳錫疏稱觀城縣未完歸倉康熙四十七年分米折等銀俱照數全完所有觀城縣知縣周用章革職之案相應開復等因前來應將原任觀城縣知縣周用章照例准其開復又疏稱周用章應否免其離任之處聽候部議等因查開復官員應否留任之處並無定例且周用章員缺將鍾祥縣縣丞張世濟題補已經奉

旨應將該撫所題周用章免其離任之處無容議仍行令該撫給文周用章赴部照例另補嗣後拖欠錢糧官員叅後全完該督撫題請開復者照例准其開復外如該督撫將離任官員題請留任者員缺雖擬有人未經奉

旨者將原官准其留任如員缺所補之人已經奉

旨者將新任官令其赴任原官令赴部照例另補俟
命下之日載入例冊遵行奉
旨依議

部選有人開復原官赴部另補

康熙四十九年五月戶部議浙撫黃 疏歸安縣知縣朱士俊未完
車夫等銀于奏銷案內彙叅今該縣于叅後全完例應開復歸安縣
員缺未經選補士俊應請留任等語查定例拖欠錢糧官員叅後全
完開復如員缺所補之人已經奉

旨者將新官令其赴任原官照例赴部另補等語今歸安知縣員缺已將
江南池州府教授張拱乾陞補本年二月十七日奉
旨應將該撫將朱士俊題請留任之處無庸議仍令赴部另補奉
旨依議

協餉叅後全完

康熙三十一年八月吏部議戶部疏新田縣經征康熙三十一年分
四月應完一半雲貴協餉銀兩叅後照數全完應將遲原叅之案
交與吏部查銷等因查新田縣遲戶部既稱未經離任之先叅後
俱已全完應將所革之職准其開復仍留原任其新選之新田縣知
縣令其改補

全完開復官補原缺

康熙五十年三月吏部議河撫鹿 疏原任永城知縣 嘉猷虧空
銀谷全完開復照例仍候永城縣員缺補用奉

旨依議

督催錢糧部議降調未離任之先完解准開復

康熙五十九年十二月戶部會議得浙撫宋 疏稱衢州府知府靳
樹德先因康熙五十五年分龍江常三縣未完地丁銀共一萬九千
五百五十兩零督催年半限滿經臣咨部議降三級調用今于靳
守未經離任之先俱已解司貯庫等因應將靳樹德原奉降三級調
用之案准其開復可也奉

旨依議

三載全完卽陞

康熙三十年十二月吏部議覆江撫鄭端疏稱部定卽陞之例錢糧難完州縣督撫將本省所屬官員內征糧有法者保題調補三年內果能將經征及分年帶徵錢糧全完准其卽陞等因但題請調補之議誠恐人地未克相宜故須調補責其成效如部選已得其人錢糧全完者實同一轍所有吳江縣知縣祖允焜將經征本折正襍錢糧三載全完與例相符應否准其卽陞應聽部議查祖允焜尚有未完漕項學租等項錢糧未銷今該撫既稱祖允焜將二十七八九三年正襍錢糧全完開寫定例題請卽陞應將祖允焜准其離任照例卽陞其有未銷之案行令該撫速催完結

錢糧三載全完離任卽陞

康熙三十六年四月戶部會議得先經江撫宋肇疏稱蘇州府吳江縣額征地丁本折銀共一十四萬三千七百兩零該縣知縣李淑楫將康熙三十二三三十四年錢糧經征全完所當題敘以鼓能吏等因臣部以該縣三十四年本色顏料尙未解部其歷年漕項蘆課等銀亦有未完與議敘之例不符應無容議等因具題行文去後今准江撫宋肇會同江南總督范承勳疏稱江蘇等屬爲財賦重地而吳江一縣額賦尤多苟非催撫有方鮮能征輸報完該縣三十四年本色顏料于該年四月內卽已征銀解府其三十二三三十四年未完漕項民欠錢糧業經

恩蠲而壓欠三十三年分未完蘆課亦已全完所有李淑楫經徵康熙三十二三三十四年地丁本折正雜錢糧皆已全完與前任知縣祖允焜三

載全完離任卽陞之例相符相應題明等因前來查先經原任江撫
鄭端將吳江縣知縣祖允焜催征康熙二十七八九年分地丁本折
錢糧三年全完部議卽陞之例錢糧難完州縣督撫將本省所屬官
員內循良慈愛征糧有法者保題調補三年果能將經征及分年帶
征錢糧全完據實具題准其卽陞等因但題請調補之處誠恐人地
不克相宜故須調補責其成效如部選已得其人錢糧全完者實同
一轍所有吳江縣知縣祖允焜將經征本折正雜錢糧既已三載全
完與例相符等因會同原任總督傅臘塔具題吏部以該撫旣稱祖
允焜將二十七八九三年正雜錢糧全完題請卽陞應將祖允焜照
例卽陞未銷之案行令該撫速催完結等因具題在案今該督撫旣
稱吳江縣知縣李淑楫經征本色顏料該年四月內卽已解府未完
漕項業已

恩蠲其地丁本折正雜錢糧全完與祖允焜離任卽陞之例相符應將李
淑楫照例准予離任卽陞未銷之案行令該撫速催完結具題可也
奉

旨依議

錢糧三載全完遇蠲免之年有漕項錢糧者亦准卽陞

康熙四十年 月戶部議得先經江撫于準疏稱江陰一邑每年額征本折錢糧十六萬有餘知縣陶彝將四十一二三年地丁漕項正雜等項錢糧照額全完請照議敘等因臣部以該縣四十一年地丁錢糧係奉

旨全蠲四十三年錢糧尙未奏銷帶征三十六年漕項亦未征完與議敘之例不符無容議去後今據江撫于準疏稱江邑額賦繁重催科非易今陶彝經征錢糧三載全完雖四十一年地丁奉

旨全蠲其漕項并雜項俱已全完但吳江前任知縣祖允焜亦有一年地丁奉蠲部覆准陞有例四十三年漕項照額完足帶征漕項亦據全完實與卽陞之例相符等因前來查陶彝該撫既稱三載經征帶征錢糧俱已全完與祖允焜卽陞之例相符應將知縣陶彝照例准其

離任卽陞未銷之案行令該撫速催具題銷結可也

錢糧三載全完尚有雜項未完不准議叙

康熙五十一年九月戶部議江撫王 疏江陰縣知縣王和中將康熙四十七八九年錢糧俱已全完洵稱能吏願請議叙等因查定例錢糧難完州縣官員果能經征帶征錢糧三載全完准其離任卽陞等語今王和中經征四十七八九年錢糧雖經全完其康熙四十七八九年學租并降罰等銀俱未完報與例不符應將該撫所請毋庸議奉

古依議

漕項未完牽混報完

康熙二十八年四月吏部議偏撫興永朝疏湖廣漕糧正耗米銀歲內全完將督糧道趙等聽部議敘本部以沔陽岳州二衛尚有未完銀兩行令查明再議去後今該撫疏稱湖南康熙二十六年分漕項錢糧各州縣俱已全完而衛所尚有未完該道造報冊內未經聲明前任糧道趙難辭牽混之咎等因查衛所既有未完錢糧該道何得詳請議叙明係牽混該撫並不詳查明白以歲內全完具題不合應將湖南糧道陞陝西督糧道

六計休致趙照例革去職銜偏撫興永朝照例降一級調用奉旨興永朝着降一級從寬留任餘依議

南米未完照地丁錢糧例議處

康熙四十九年十月吏部議湖撫陳以四十六年分奏銷案內原報未完南米年半限滿仍未全完將督催糧道張文燦咨叅等因查南米未完照地丁錢糧例議處在案應將初叅督催南米未完不及一分湖北糧道張文燦照例停其陞轉罰俸六個月戴罪督催奉

旨依議

捏稱民欠巡撫朦隱

康熙二十四年二月吏部議廣撫施 疏稱桂平府等屬康熙十九
等年銀米雖報實在仍係拖欠在民等因查二十一年實在銀米係
前撫郝 奏報并二十一年續完實在銀米巡撫施 自行具題臣
部議令俱貯倉庫在案今該撫郝 布政司崔 已故將實在銀米
捏報拖欠在民不合查定例州縣官員征收錢糧加派私徵司道府
廳等官確查申報督撫題叅者該州縣官革職拿問司道府廳等官
明知朦隱不報者該督撫題叅革職如申報督撫未經題叅被科道
指名糾察該督撫降五級調用如已徵錢糧作為民欠或那用誑稱
民欠者比照此例處分等語應將施 照朦隱例革職奉

旨依議

錢糧完少知府失報

康熙二十八年九月吏部覆江撫洪之傑題嘉定縣知縣聞在上經征二十六年錢糧完解獨少審無欺隱但催科無術等語查聞在上已經別案革職無容議布政司原經具報巡撫亦經咨明在案亦無容議蘇州府知府胡世威雖稱因無完少報叅之例是以未經詳叅但布政司已經具報而該府並未詳叅不合應將知府胡世威照查報遲延者罰俸一年奉

旨依議

惰徵錢糧

康熙三十九年八月吏部議覆江撫洪之傑疏稱嘉定縣解司地丁銀二十萬九千九百餘兩奏銷在卽尚欠銀二萬九千餘兩至二十九年錢糧經徵四月有餘僅解銀一萬兩知縣鄧天羽惰徵之咎不能稍寬等因查該撫既稱嘉定縣知縣鄧天羽惰徵溺職已甚應將鄧天羽照罷軟無爲例革職奉

旨依議

催征無術照罷軟例處分

康熙五十一年十二月吏部議覆戶部咨稱帶理江撫王 以嘉定縣知縣袁弼益將康熙五十年地丁并帶征四十四年銀兩並不查比一味徇縱任其抗欠而帶征四十五年銀兩亦無完解坐悞軍餉莫此為甚似此溺職實難姑容相應題請革職又委縣知縣劉翥接征帶征未完三萬八千六百零青浦縣知縣李瑣經征未完銀四萬四百零米一千二百石零均屬催征無術理合一并題參應將嘉定縣知縣袁弼益等交與吏部嚴加議處等因前來應將嘉定縣知縣袁弼益照溺職例革職委縣解任知縣劉翥青浦縣解任知縣李瑣均照罷軟例革職可也奉

旨依議

催科無術不詳參

康熙二十八年八月吏部議江撫洪之傑疏青浦縣知縣霍 經收錢糧延至歲終完不及半催科無術不能辭咎原任松江府知府朱 因無完少報參之例未經詳參等因霍 已經別案革職無庸議查定例內各項拖欠之錢糧委係拖欠在民不能催征者照例處分若查報遲延者罰俸一年等語原任松江府知府朱 該撫雖稱因無完少報參之例是以未經詳參但有政使已經具報該府並不詳參應將朱 照例於補官日罰俸一年奉

旨依議

奏銷冊違限不及一月免議

康熙三十年七月戶部議偏撫王樑疏奏銷文冊定限五月內到部
該司于五月二十二日造送遲延之咎不能為寬等因查楚省奏銷
文冊例限五月內送部違限一月者照例議處不及一月者免議今
湖南奏銷文冊于六月二十四日送部違限不及一月毋庸議奉
旨依議

奏銷冊結逾限未及一月議處

康熙四十一年七月戶部覆廣撫蕭永藻疏粵西康熙四十年分正雜錢糧奏銷五月將終有富川縣冊籍未據造繳又平南柳三府屬州縣徵收銀米穀石猶未據各府盤察具結等因查地丁正雜錢糧奏銷例限五月內造冊報部今五月將終未據造繳查定例冊結遲延不送違限一月者罰俸六個月等語並無限內并逾限不及一月處分之例又定例

欽部事件或限內并逾限不及一月者罰俸三個月應將造冊遲延之富川縣平樂府知府及其結遲延平樂府等均照例子現任內各罰俸三個月奉

旨依議

奏銷造冊遲延

康熙二十八年七月吏部議直撫于 疏康熙二十七年分地丁等項奏銷文冊例應四月內具題今寧津等縣將襍稅細冊舛錯遲延逾限二十餘日不行造報等因應將寧津知縣無極知縣照例各罰俸三個月奉

旨依議

康熙三十八年

奏銷冊結遲延

康熙三十八年十月吏部查得戶部咨稱浙撫張劬以

聖駕南巡

上諭蠲免浙省康熙三十四等年奏銷未完民欠錢糧惟慶元縣民欠冊結並無申送定限已逾將造冊遲延慶元縣知縣李容之題參將原抄移送吏部議等因前來應將逾限不及一月慶元縣知縣李容之照例罰俸三個月奉

旨依議

造冊逾限兩月

康熙三十年四月吏部議福撫下 疏康熙二十八年地丁各項冊延至兩月有餘該司道尚無安冊送齊等因應將造冊遲延兩月以上糧道馮 照例罰俸九個月查馮 又署布政司事亦罰俸九個月奉

旨依議

更造冊籍遲延

康熙二十八年六月吏部議甘撫伊 疏二十六年各屬蠲免未完
銀兩數目不符一案惟慶陽府冊止造已未完蠲免總數並未分晰
裁扣等銀細數與部文不合駁令更造逾限未至難為慶陽知府李
寬應將知府照例罰俸三個月奉

旨依議

解送小料銀兩遲延

康熙二十九年十一月吏兵二部議覆總漕董訥疏二十三年淮安
 衛泰州小料銀兩已經全完但未于限內完解等語查定例官員解
 送錢糧沿途停攔日期者罰俸一年等語除泰州已經休致毋庸議
 外應將未于限內完解之守備胡督催淮安府船政同知沈瑜均
 照例罰俸一年奉

旨依議

康熙十五年九月吏部覆戶部題議得長蘆鹽課銀兩限四月內解到江西今逾限四十餘日始到當日並不題請寬限將監院運司均降二級調用奉旨依議

部撥不請寬限

康熙十五年九月吏部覆戶部題議得長蘆鹽課銀兩限四月內解到江西今逾限四十餘日始到當日並不題請寬限將監院運司均降二級調用奉旨依議

多收稅糧斛面

多加火耗不揭報

康熙四十四年正月兵部議岳州衛守備徐 征收屯糧擅用重法
多加火耗該衛法馬現刻都司字樣郭 係耑管之官並未先行揭
報及巡撫移會題叅十日之後始行具詳查定例貪劣官員雖不同
城該管官一有見聞不行揭報督提鎮題叅者降三級調用等語應
將都司郭 照例降三級調用其法馬現刻都司字樣之處應令該
督一併審明具題再議奉

旨依議

重耗折徵敲擾民婦

雍正九年四月刑部會議覆建寧縣叅革知縣王繹貪酷一案據福撫趙疏稱原叅王繹加耗一款今審王繹開徵雍正六七兩年錢糧櫃收銀一萬一千一百七十六兩二錢五分二厘王繹每兩多加耗銀三分共私得銀三百三十五兩二錢八分零是實總書王佐銜敏不行稟阻鄉收銀二千三百二十九兩四錢五分并收錢折算銀一百三十二兩七分七厘零王繹亦每兩多加耗銀三分共私得銀一百三兩八錢四分零其差派往鄉之各收書謝奕昌江有緒徐卓甯豐余承爵江達甯觀光廖夢麟王立賢江翰王溥等又每兩多收銀二分每人得銀四五兩七八兩不等共私得銀六十九兩二錢零是實又原叅王繹酷刑一款今審王繹因姜滌呈告伊子姜成賣田蕩賄及其媳廖氏不敬翁姑等情廖氏不肯供認將廖氏梭敲並未

梭折手指惟原差張興會得過姜成繭綢衣一件是實又原叅王繹短價買米一欸今審王繹差庫子廖二勝向舖戶何吉生等買糶日用米七十八石係潮銀平戡合紋庫銀短價銀一十四兩八錢八分廖二勝又每石得舖戶例米二升共得過米一石五斗六升是實將王繹擬絞謝奕昌等俱擬杖等因具題除王繹濫刑短價併失察衙役犯贓各輕罪不議外應如該撫所題王繹合依官吏擅自科歛所屬財物入己者計贓以枉法論八十兩律擬絞監候秋後處決不行稟阻之收書竄觀光廖夢麟王立賢江翰王溥除得贓輕罪不議外應與總書王佐竄敏俱依不應重律杖八十各折責三十板多收耗銀之謝奕昌江有緒徐卓竄豐得受例米之廖二勝均照枉法贓一兩至五兩杖八十無祿人減一等律杖七十各折責二十五板得受繭綢衣之張興照枉法贓一兩以下杖七十無祿人減一等律杖六十折責二十板仍俱革役余承爵江達已經病故應無庸議王繹名下贓銀共四百三十九兩一錢零并謝奕昌等各名下贓銀共六十九兩二錢及張興所得贓物俱分別照追變價入官王繹短發米價廖二勝所得例米俱照追給還舖戶何吉生等收領奉旨王繹依擬應絞着監候秋後處決餘依議

攤派錢糧未經征收

康熙二十年正月刑部覆江督阿 查靈璧縣革職知縣姜王經征
漕折銀兩因有逃亡缺額令經承朱聘于見在人戶內攤補贖因人
怨堵門停止征收姜王議加派銀二百六十兩零後雖停止征收應
比照因公科歛不入已贓重者坐贓論批半科罪一百兩律杖六十
徒一年已經此案革職照例免議朱聘聽從本官議派依不應重律
赦前免罪革役奉

旨依議

不揭科派處分

康熙二十九年九月吏部議覆偏撫鄭端疏譚廷槐與王仁綱等互
控一案衡陽縣知縣姚克欽私發諭帖請劣衿王仁綱爲總都圖正
公議科派立局追比雖丁憂去任溺職之罪難辭知府崔鳴鶯又不
預先揭報狗庇顯然布政司黃性震雖遷延不審今將知府崔鳴鶯
申報應否寬處等因查定例官員貪者革職提問又方面以下大小
官員貪婪之處司道府等官不行揭報被督撫訪察題參將同城之
司道府等官各降三級調用不同城之司道府等官各降一級留任
等語應將知縣姚克欽照例革職提問同城之衡州府知府崔鳴鶯
照例降二級調用不同城之布政司黃性震照例降一級留任奉

旨依議

官員私派藩臬揭報復職

康熙四十二年二月吏部議原任貴州布政使孟世泰叩

闈奏稱署普安州事安南縣知縣余縱令僕役在捧鮮地方滋擾一案撫臣並未將奴才題叅大部引貪劣官員督撫察出後雖具揭亦不准之例遽議革職拿問細澤定例是謂不由兩司揭報督撫竟行題叅拜疏之後兩司始得補揭是以不准查此案奴才訪察揭報在先撫臣行查題叅在後又經審無情弊反遭屈議等語又據原任按察使何顯祖叩

闈奏稱此案撫臣行查緣捧鮮距省千有餘里往返為難後訪查得實卽揭報督撫兩院撫臣始得據揭題叅俱有印信批詳可查續經訊明並無知情受賄情弊部臣仍以應革職免罪一語結案查州縣私派藩臬未能覺察若能于告發之後審出尚免其失察之罪奴才於未

經發覺之前揭報反坐以朦隱之咎寃抑莫申等因前來查康熙三十九年十二月內刑部等覆川督席爾達條奏內稱嗣後凡有里民人等告州縣私派情由督撫題叅解任行藩臬兩司親審既經審出免其失察處分等語此案原非里民告發兩司親審之事是以臣部從前未經比用此例今孟世泰何顯祖叩

聞奏稱告發之後審出尚免失察之罪等語此案雖非民人告發兩司親審但係該撫行查兩司揭報情事相同仍議革職似屬可憫應將孟世泰何顯祖俱准復還原職奉

旨依議這事情原議舛錯之處並未叙明殊屬不合着嚴飭行

揭報出示私征

康熙三十一年七月吏部議覆總漕董 疏稱湯元祚叩

聞求蠲康熙元二等年漕項銀兩一案知縣蕭文蔚出示開征查定例州縣官征收錢糧加派私征者州縣官革職拿問司道府廳等官明知朦隱不報革職等語應將已蠲民欠錢糧出示私徵之桃源縣知縣蕭文蔚照此例革職提問審擬明知朦隱不報布政司淮安府均照例革職

徵收稅銀兩加收重耗

雍正十三年四月刑部會看得原任廣州府順德縣革職知縣張若谷勒借婪賍加收重耗一案據廣督鄂疏稱原叅第一款張若谷於雍正十二年三月二十二日遣管鹽內親邀同監生張台璧張湛修張恒度在埠聚飲傳稱欲與聯宗勒借銀一千五百兩張台璧等遂商同族衆將祖嘗銀一千四百四十兩張台璧等三人又添出銀六十兩湊足交張台璧親戚關元於四月初二日轉送該縣家人吉陞收進後因張台璧等與鄧永祿等互爭水漏於五月初四日又勒送銀二百兩亦經關元轉送吉陞收進訊據張若谷供稱管埠內親係族中妹夫王仲呂並無令其邀同張台璧等在埠聚飲傳稱聯宗勒借銀兩其張台璧等與鄧永祿等爭漏據兩造互控因田近海潮水消長不定泥濘難勘批俟冬晴水涸勘審亦無勒令張台璧等送

銀二百兩質之送銀之關元供稱緣張台壁聞龍江子埠商人欲退
回籍意欲承批因見王仲呂係張若谷內親須俟拜候始可談及於
三月二十二日乘王仲呂生辰約同拜賀至期齊往王仲呂留飲席
中說起批單王仲呂許俟鄧姓退埠即批給伊又問及王仲呂面色
消瘦情由王仲呂以邪移鹽項醫病及支買土絲共銀五百兩恐張
若谷昂價解餉運鹽無銀填項是懼關元即稱張台壁等可以那借
王仲呂以張台壁等皆有身家體面遂爾將來欲說與張若谷聯宗
以便認親往來酒畢散回王仲呂即令關元向張台壁等借銀一千
五百兩填解鹽餉張台壁因欲求子埠許借銀五百兩作將來批埠
按櫃之項遂將祖嘗銀四百四十兩三人又共添銀六十兩於雍正
十一年四月初二日同到埠交王仲呂收受寫有文約嗣聞龍江埠
歲暮始退九月內張台壁等向伊討取原銀王仲呂即將土絲變賣

照數償還並非張若谷令王仲呂邀飲傳稱聯宗借銀其張台壁等
與鄧永裕等互爭水涌之案張若谷尚未勘審亦無被勒銀二百兩
止於五月初四日有宅門家人吉陞傳伊向張台壁等說知能出銀
二百兩可將水涌斷給管業因張台壁等不肯出銀已經回覆嚴詰
至再矢口不移訊之吉陞張台壁等及已故之王仲呂供吐相符是
張若谷雖無借貸求索而失察親戚家人招搖詐騙咎實難辭又原
案第二款張若谷於雍正十年十月內有監生李炳生與羅元勳互
爭田禾控告檢到該縣於十一月初二日拘到李炳生押追監照繳
署李炳生於雍正十一年二月初一日送銀一百二十兩交管倉人
龍騰飛轉交該縣家人吉陞收繳將監照發還結案訊據張若谷供
稱監生李炳生與羅元勳爭禾互控緣兩姓田畝均未立界必須勘
丈方得明白時值收割不便往勘批令俟收割完日勘審因傳聞李

炳生係被革書役違例指監而李炳生亦認承充戶房書寫非係奉
革情事可疑當令繳照查驗經李炳生將照繳驗因經營書吏患病
回家將照附卷後查明李炳生捐納並非違例遂欲給還時值封印
未經喚領迨至雍正十一年二月初三日李炳生稟領隨即發還並
無得受銀一百二十兩暫之吉陞供因聞張若谷查明李炳生非係
被革書役欲將監照給還緣已封印李炳生未曾赴領至上年正月
中有管倉人龍騰飛與李炳生認識伊遂商同詐騙令其以詳革恐
嚇若能出銀一百二十兩繳進可免詳革并將監照給發後李炳生
給銀六十一兩與龍騰飛交收即令李炳生於二月初三日稟領張若
谷亦將監照當堂查發伊遂將銀與龍騰飛均分入已並非李炳生
交銀與龍騰飛轉送張若谷始將監照發還質之龍騰飛供認不諱
張若谷雖無得受李炳生銀兩而大祭工人家人詐欺取財又難辭

谷又原參第三款張若谷自雍正十一年五月以後徵收田房稅
每兩並不照例征收銀四分竟令庫房黎光燦加受重耗每兩收至
五分二厘訊據張若谷供稱因民間多用潮銀雍正十一年五月內
里民上納稅價零星傾銷多有虧折因出示以從民便不論銀色照
色加水上兌彙發銀匠傾銷故契價每兩收銀四分五厘四厘二厘
不等自五月十二日起至十月二十日止共收稅契價銀四萬二千
三百六十八兩九錢五分每兩收稅銀四分除收正稅銀一千六百
九十四兩七錢五分八厘共計多收補水銀三百八十五兩一錢五
分五厘零僅足傾銷之費並無絲毫餘剩訊之庫房經承黎光燦供
亦相符是張若谷加收稅契銀兩雖為便民起見僅足補水並無入
已但未經詳明違例之咎實所難辭以上各款及覆訊詰供吐明確
似無推卸情弊除王仲呂經縣取供後保候自縊身死及張若谷失

察親戚家人衙役借貸詐騙犯贓各輕罪不議外張若谷違例加取成色合依違

制律杖一百並無入已之贓已於本案革職照例折贖俱免庫書黎光燦言陞龍騰飛關元照律分別擬杖發落等因具題應如該督所題張若谷合依違

制律杖一百但無入已之贓應照例折贖俱免該督既稱庫書黎光燦不行稟阻合依不應重律杖八十折責三十板革役吉陞龍騰飛詐騙李炳生銀六十兩瓜分入已均合依詐欺官私取財者計贓准竊盜論三十兩杖九十律應各杖九十折責三十五板免刺關元聽從吉陞往索張台璧銀兩雖未得贓合依不應重律杖八十折責三十板均照例折責革役發落監生張台璧貢生張湛修張恒度並無與張若谷聯宗情事其借與王仲呂銀五百兩原係批準按櫃已於未發之先收回監生李炳生係被索詐保人王德先係王仲呂親伊有事別往自縊經縣訊明並無凌虐情弊均無庸議等語均無庸議張若谷加收成色銀兩吉陞龍騰飛所得贓銀應於張若谷等各名下照追入官奉

旨依議

隱匿費用稅糧課物

隱匿招兵銀兩

康熙二十一年八月刑部議覆福撫吳興祚疏革職守備吳國捷領
福督姚啟聖捐助銀七千兩往江西招兵除用過銀兩餘剩銀一千
七百八十三兩九錢吳國捷隱匿入已應比照凡稅糧課物隱匿費
用欺妄官司並計所虧欠物數准竊盜論罪止杖一百流三千里免
刺律應杖流

赦前免罪賍銀人官奉

旨依議

八

課物

[Faint bleed-through text from the reverse side of the page]

攬納稅糧

干預捐納

康熙四十六年 月兵部會議得順天府府尹施世綸題恭姚淳燾一案審據貢生趙克宗供我妻父姚淳燾有馬票一張交葉永茂轉交張燾押銀一千兩等語審據張燾供葉永茂說趙克宗馬票煩你押銀我替他押一千兩銀子與他後將頂改馬價抵還是寔據葉永茂供趙克宗拏馬票煩我交給張燾押銀一千兩是寔等語查御史朱 條奏經九卿議覆案內正捐馬匹每匹折銀一百五十兩今赴戶部交庫加捐馬匹每匹折銀一百五十兩將七十五兩交戶部其七十五兩令捐本人自應給還原捐人員等因議覆在案今捐納各官生除將正項錢糧上庫外其餘銀七十五兩即應交還原主今張燾葉永茂將銀私押原捐人員馬票又將馬價抵扣干預捐納事務

戎案質疑

卷七 倉庫

攬納稅糧

明係希圖射利查律內凡攬納稅糧者杖六十等語但張壽葉永茂係干預捐納事務不便照此律議罪應將考授縣丞張壽監生葉永茂均革職奉

旨依議

生員包抗寺租經縣獲禁令人刷黑

實門

乾隆六年二月刑部會議覆福安縣學已革生員郭向高包抗寺租併土使郭希孟等刷黑鬻門一案據署福撫王疏稱緣福邑有靈巖寺田缺僧住持歸官收充公完課郭向高同居胞弟郭聞善族人郭永言郭永如郭永桂并郭希孟郭希孔均種寺田各欠乾隆二三年兩年寺租未楚郭向高倡言租仍歸寺交官必致重納令郭永言等將所欠租穀交伊代完如有差催俱各走避伊自料理乾隆三年十一月十二月內郭向高包收郭永言等所欠寺租共一百三十七石零併將郭聞善所欠寺租二十二石零抗不完納乾隆四年正月二十七日前任知縣蕭荃差役李太協同鄉長謝兆言拘押各佃赴縣比追李太等於二十八日喚齊郭永言等帶至郭向高家喚同郭聞善赴縣郭向高在門望見先令郭聞善躲避并詭令郭永言等進內吃

飯俱從後門逸去李太向郭向高索犯互相爭論郭向高持門門毆
 馮李太頭上肩李太等赴縣稟驗三月初六日蕭荃差拘郭向高
 郭向高恐赴縣被禁即密囑伊妻繆氏轉託郭希孟往求生員劉其
 章轉懇教官赴縣說情縣不允放即令與素好之繆子緒商議刷黑
 鬢門迫令釋回初七日縣訊郭向高強詞爭辯蕭荃惡其悖執板
 莪責鎖禁內署具文通詳郭希孟聞信於初八日繕具懇學求放呈
 稿往求劉其章併告以郭向高所囑之語劉其章亦為不平聲言生
 員被打要鬢門何用隨將呈稿送交生員吳毓甲改定交還郭希孟
 郭希孟繕清持給郭向高之母林氏赴學投遞劉其章復邀同生員
 陳洵進謁教官求其說情途遇生員陳鵬亦邀同往教諭夏鳴雷不
 允劉其章復言生員未革可打要衣頂何用隨與陳洵陳鵬出學散
 歸并覆知郭希孟郭希孟情急即尋繆子緒商議刷門繆子緒允從

自於是夜携帶烟煤夥同郭希孟潛將鬢門刷黑而逸次早夏鳴雷
 查知既怒蕭荃之擅責生員復因鬢門刷黑具文詳請交印蕭荃亦
 以夏鳴雷構鬢通詳續據郭向高之母林氏將郭向高包收各穀全
 數通完并據繆子緒自行投首屢審供認不諱將郭向高擬流郭希
 孟等分別徒杖等因具題除郭向高縱犯毆差及包收寺租已經通
 完各輕罪不議外其因該縣差拘希圖釋放輒主使郭希孟等刷黑
 鬢門殊屬狂謬但律無治罪明條應如該署撫所題郭向高應比照
 折毀申明亭杖一百流三千里律僉妻流三千里至配所杖一百折
 責四十板仍遵例奏請

定奪該署撫既稱在逃之郭希孟合依為從減一等律杖一百徒三年嚴
 緝獲日照案另結繆子緒聞拿自首合依為從律減二等杖八十徒
 二年劉其章邀人赴學求情復妄言衣頂鬢門何用殊屬不法合依

附合結黨妄預官府事例杖一百吳毓甲代改呈詞查無增減情節
合依不應重律杖八十陳鵬陳洵聽從劉其章同往求情不允即散
均合依不應輕律笞四十吳毓甲陳鵬陳洵俱發學戒飭郭永言郭
永如郭永桂並在逃之郭希孔不將寺租納官聽信郭向高包收入
已致起釁端均合依愚民聽人包納例各杖八十郭永如郭永桂仍
加逃罪二等杖一百郭希孔獲日照案另結以上杖犯劉其章等照
例先行折責戒飭發落郭聞善拖欠寺租聞拏脫逃均係聽從伊兄
郭向高指使罪坐家長應得免議林氏繆氏已經郭向高供明均免
提訊等語應均如該署撫所擬完結再該署撫疏稱吳毓甲村不滿
百與陳鵬陳洵均非行止有虧應與審明無干之生員李志炳均予
開復給還衣頂等語應如該署撫所請將已革生員吳毓甲陳鵬陳
洵李志炳等均准予開復再該署撫疏稱教諭夏鳴雷雖據稱並未

堪譽但身為教官既不能化導於前復不能約束於後已經部議革
職無庸議原任福安縣知縣蕭荃雖因郭向高公堂在悖親行杖責
究屬違例且不細查妄詳李志炳牽累無辜亦屬不合應聽部議等
語查此案先經該撫將福安縣教諭夏鳴雷福安縣知縣蕭荃題參
奉

旨大學士九卿會同定議具奏欽此經臣部會同九卿將夏鳴雷議以革
職福安縣知縣蕭荃俟該督撫審明另行題覆到日再議在案今該
撫疏稱教諭夏鳴雷雖據稱並未構釁但身為教官既不能化導於
前復不能約束於後已經部議革職無庸議原任福安縣知縣蕭荃
雖因郭向高公堂狂悖親行杖責究屬違例且不細查妄詳李志炳
牽累無辜亦屬不合應聽部議等語除教諭夏鳴雷已經革職無庸
議外查定例內生員有應戒飭者地方官會同教官具詳學臣批准

照例在明倫堂扑責如有擅自叱訶飭責者該學臣查叅以違例處分又律內違令者笞五十又各例內官員犯私罪笞五十者罰俸一年等語應將違例擅責之福安縣知縣蕭荃照例罰俸一年再蕭荃又將生員李志炳不行查明卽爲妄詳褫革牽累無辜亦應議處應將福安縣知縣蕭荃比照州縣官如衙役侵欺錢糧捏報民欠知府不行詳查遽爲轉報者罰俸六個月例罰俸六個月再該署撫疏稱郭永言等所佃寺田飭令另召誠實佃戶承種完租靈巖寺卽飭另召僧人住持田歸寺僧管業等語查租穀旣係寺田何以該縣擅收其利若云充公自必詳明報部今又何得忽稱召僧住持田歸管業則公用又將何項充補種種不符該縣顯有贓私情弊應令該署撫逐一查明到日再議奉

旨依議

批廻送驗遲延

康熙四十一年六月戶部覆直撫李光地疏霸昌道郡廷棟解居庸關稅銀到戶部已經查收發批在案今該撫旣稱該道尙未送驗查呈驗批廻並無定限處分之例今該撫旣照

欽部事件扣限將該道以遲延題叅應照事件不結逾限不及一月罰俸

三個月奉

旨依議

所安在

卷一

